



Naćisk protokola konstituowaceho posedźenja Zwjazkoweho předsydstwa Domowiny

datum:	sobotu, 19.06.2021
čas:	09.00 – 11.55 hodž.
městnosć:	Serbski dom Budyšin
přitomni:	D. Statnik, M. Hančik, B. Cyž, M. Funka, F. Grajcarekec, M. Michałkowa, D. Wowčerjowa, W. Bejmak, J. Bělk, B. Bělk, L. Dučmanowa, K. Grofa, A. Hiccyna, M. Libšowa, L. Žurec-Pukačowa digitalnje so wobdžěla: K. Ela, D. Dyrlich, F. Ričel, F. Albertowa, dr. Hartmut Leipner, J. Clausen, M. Mark, M. Hasacky, M. Młynkowa, W. Janhoefer
zamołwjeni:	D. Maticowa, M. Brycka, G. Šejn, B. Šćapan, J. Dünnbierowa
hosćo:	M. Kowar, M. Końcaf, M. Brauman, C. Škoda, K. Liznarjec, V. Hanuzowa, M. Šusterowa digitalnje so wobdžěla: B. Melcher, dr. B. Brězanowa medije: A. Arlt (SN)

0.	Zahajenje posedźenja Wotewrjenje a powitanje / zwěšćenje přitomnosće a wobzamknjenjakmanosće / schwalenje dnjoweho porjada / zwěšćenje zajatosće Wot cyłkownje 30 člonow zwjazkoweho předsydstwa je 25 přitomnych = 83,3 % . Zamołwjenja předleža. Z tym je konstituowace posedźenje zwjazkoweho předsydstwa wobzamknjenjakmane. Předsyda Domowiny zdomom na to pokaza, zo so posedźenje runočasnje live w interneće wusyla. Wón powita přihladowarstwo, kotrež ma móžnosć přez internetnu platformu YouTube posedźenju sčehować. <u>Wobzamknjenje čo. 1 z dnja 19.06.2021</u> Dnjowy porjad konstituowaceho posedźenja Zwjazkoweho předsydstwa so wot člonow gremija schwali. Wuslědk wothłosowanja: <table border="1"><tr><td>za namjet: 25</td><td>přećiwo namjetej: 0</td><td>so hłosa wzda: 0</td></tr></table>	za namjet: 25	přećiwo namjetej: 0	so hłosa wzda: 0
za namjet: 25	přećiwo namjetej: 0	so hłosa wzda: 0		

	<p>Namjet so z tym přiwza.</p> <p>Zajatosć so njezwěsći.</p>
1.	<p>Informacije – dźěl 1</p> <p>Wšitcy wosobinsce a digitalnje přitomni čłonojo zwjazkowego předsydstwa so skrótka předstajichu.</p>
2.	<p>Informacije – dźěl 2</p> <p>Zarjad Domowiny so předstaji.</p> <p>M. Kowar poda na zakładze organigrama přehlad wo jednotliwych dźělowych wobłukach zarjada Domowiny a jako hosćo přitomni sobudźěłačerja Domowiny so čłonom Zwjazkowego předsydstwa wosobinsce předstajichu, dalši sobudźěłačerja z pomocu krótkich digitalnych přinoškow. Nawodnica RCW, dr. B. Brězanowa, so wosobinsce předstaji a rysowaše skrótka nadawki jednotliwych wotdželow RCW. Po jeje měnjenju pokaza so w dypku 3.7. dźělowych směrnicy na jedne z hłownych dźělowych čezišćow w přichodnych lětach.</p> <p>Wona apelowaše na čłonow ZP, zo bychu přeco zaso pytali wosobinski kontakt z wosobami, kiž móhli dźěło w serbskich institucijach přewzać. Wosobinska rozmołwa je rozsudny instrument. Zwjetša su so dźělowe městna po wosobinskej rozmołwje wobsadzić móhli.</p> <p>Online so předstajichu: P. Brězan, S. Hrjehorjowa, B. Melcher (zdomom wo dźěle Choćebuskeje wotnožki RCW)</p> <p>Z widejom so předstajichu: K. Jurkowa, D. Maticowa, H. Apeltowa, K. Tšukowa, R. Krügerowa, F. Kosyk</p>
3.	<p>Informacije – dźěl 3</p> <p>Dawid Statnik informuje čłonow ZP wo</p> <ul style="list-style-type: none"> • prawniskich předpisach • wustawkach a porjadach Domowiny • organach a gremijach Domowiny • jednanskimaj porjadomaj Zwjazkowego předsydstwa a jeho prezidija • wuslědkach 20. hłowneje zhromadizny, wosebje dźělowych směrnicy za dobu 2021-2023
4.	<p>Wobzamknjenja</p>
4.1.	<p>Wuzwolenje čłonow mytowanskeho wuběrka za dobu 2021-2025 z namjetow župow a čłonskich towarstwow/zwjazkow – předłoha ZP 1/2021</p> <p>C. Škoda předłohu předstaji. Pokaza zdobom na změnenju předłohu. D. Statnik rozkládže přičiny změnjeneje předłohi. Wólby čłonow mytowanskeho wuběrka maja so w tajnych wólbach přewjesć. Technisce njeje móžno wólbny lisćik z 13 namjetami w hybridnym posedzenju wobjednawać. Tuž namjetuja so listowe wólby.</p> <p>Na zwuraznjene wobmyslenja C. Škody nastupajo zajatosće, hač smědža čłonojo Zwjazkowego předsydstwa tež čłonojo mytowanskeho wuběrka być, wotmołwi D. Statnik, zo žanu přičinu za zajatosć njewidzi. Z funkcije we woběmaj gremijomaj wosobinska lěpšina njewurosće. Tež njesu žane předpisy w porjadach Domowiny. Zajatosć nastupajo namjetow ma so dale wobkedźbować.</p> <p>Wylem Janhoefer naprašuje so za dobu zapodaća wotmołwow. D. Statnik wotmołwi, zo ma list měć poštwy kołk 25.06.2021.</p> <p>W. Bejmak chcyše wědžeć, na kotrym zakładze je so lisćina kandidatow zestajala. C. Škoda wotmołwi, zo běchu wšitke towarstwa a župy namołwjene, wotpowědne namjety zapodać.</p>

J. Bělk zwurazni, zo njewidži žanu příčinu za zajatosć w zwisku z kandidaturu swjeho bratra na wólbnej lisćinje.

Redakcionelne změny w předłoze w dypkach 2, 4, 5 a 6 so přewzachu.

Wobzamknjenje č. 2 z dnja 19.06.2021

Zwjazkowe předsydstwo wobzamkne:

1. **Zwjazkowe předsydstwo přewjedže wuzwolenje člonkow/člonow mytowanskeho wuběrka Domowiny za wólbnu dobu 2021-2025 jako listowe wólby.**
2. **Zakład wólbow je lisćina zapodatych namjetow kandidatow a kandidatow za wólby mytowanskeho wuběrka Domowiny, kajkaž we wokomiku wobzamknjenja wo přewjedženju listowych wólbow předleži. Lisćina možnych namjetow je z tym zawrjena.**
3. **Zwjazkowe předsydstwo postaji slědowace tři wosoby jako člonki/člonow wólbneje komisije:**
 - a. Marko Hančik
 - b. Franciska Grajcarek
 - c. Milan Funka

Wólbna komisija ma z pomocu referenta za kulturne naležnosće wólby přewjesć a wulić.

4. **Kóžda wolerka/kóždy woler ma možnosć, přez listowe wólby hač do 25.06.2021 džewjeć wosobow abo mjenje wolić.**
5. **Te džewjeć wosobow, kotrež maja najwjace hłosow, su woleni.**
6. **Njehodža so džewjeć městnow runostawa wuslědkow dla pomjenować, maja so wosoby, kotrež maja samsny staw hłosow, přez wulosowanje pomjenować.**
7. **Wólbny wuslědk ma so wozjewić.**
8. **Wuzwoleni měli so na zakładze jednanskeho porjada mytowanskeho wuběrka skonstituować a wuzwolić předsydu/ku a městopředsydu/ku.**

Wuslědk wothłosowanja:

za namjet: 25	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwwa.

4.2.

Namjet za powołanje třoch zastupjerjow serbskeho ludu do Poradźowaceho wuběrka za prašenja serbskeho ludu poboku ZMN (BMI) – předłoha ZP 2/2021

D. Statnik wujasni, zo ma so krótkodobnje zestawa zastupjerjow rjadować, dokelž je posedženje hižo 22.06.2021. Namjetuje so, dotalne rjadowanje wo jedne lěto podlěšić a dweju młodostneju sobu wolić. Za zbytnu wólbnu dobu namjetuje předłohu pozdžišo hišće raz wobjednawać.

Dr. H. Leipner měješe prašenje, hač njeje so žadyn młodostny z Delnjeje Łužicy namakał? D. Statnik: Ně, nažel nic. Chcedža pak so dale prócować, zo so to klětu radži.

Wobzamknjenje č. 3 z dnja 19.06.2021

Zwjazkowe předsydstwo wobzamkne:

Za sobudžěło w Poradźowacym wuběrku za prašenja serbskeho ludu poboku ZMN (BMI) pomjenuja so slědowacy zastupjerjo serbskeho ludu:

- jako rjadni člonojo:**
1. Dawid Statnik
 2. William Janhoefer
 3. Marko Hančik
- jako zastupjerjo mladžiny:**
1. Katja Hrjehorjec
 2. Maximilian Gruber
- jako naměstnicy:**
1. Marko Kowar
 2. Marcus Końcař
 3. Werner Sroka

Zestawa plaći hač do kónca lěta 2021.

Wuslědk wothłosowanja:

za namjet: 25	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwza.

4.3.

Nadawk za prezidij Domowiny, pomjenować komisiju k wutworjenju namjeta za wólby Serbowki/Serba do rozhłosoweje rady MDR – předłoha 7/2021

D. Statnik předstaji předłohu. Zo by so Zwjazkowe předsydstwo w septembrje móhlo z namjetami zaběrać, ma so komisija wutworić, kotraž namjety pruwuje. Na prašenje M. Funki, kak wulka komisija budže, wotmołwi D. Statnik, zo so žana konkretna ličba nježada, zo pak namjetuje 3 do 5 wosobow. Namjetuje, zo měł to prezidij samostatnje rjadować.

Wobzamknjenje č. 4 z dnja 19.06.2021

**Zwjazkowe předsydstwo Domowiny wobzamknje:
Prezidij Domowiny ma pomjenować namakansku komisiju, kotraž ma zapodate namjety pruwować a do móžneho rozsuda Zwjazkowneho předsydstwa Domowiny formulować.**

Wuslědk wothłosowanja:

za namjet: 25	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwza.

protokol

M. Šusterowa

přehladař

D. Statnik